



Aqqalu C. Jerimiassen
Atassut

UKA 2020/49
18. november 2020

Aningaasalersorneqarsimasunik aallakaatitassianik nutaarsiassanik, maannarpiarlu soqutiginartunik imallit tusagassiuit aallakaatitsisinnaangornissaat anguniarlugu inatsimmut atuuttumut allannguutissatut siunnersuuteqarnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aallakaatitassianik nutaarsiassanik, maannarpiarlu soqutiginartunik imallit aningaasalersorneqarsimanerat, aningaasaliinermut tunngaviusimasoq suungaluarpulluunniit, aallakaatitsinnginnermi tunisisup kinaassusaanik takutitsisumik nalunaarutigineqartarnissaa piunasaqaataassaaq,

(Demokraatit Inatsisartuni gruppiat)

Tusagassiorfiit tassaapput inuiaqatigiinni tamat oqartussaaqataanerannik illersuisut. Tassaallutillu pissaanerup pingasunngorlugu agguataarneqarnerani, innuttaasut sinnerlugit pissaanerup sisamaattut inissisimasoq. Nunallu tusagassiorfiit pisinnaatitaaffiinik killilersuisut tassaasarpud demokratiimut ungasinnerpaat. Uagullu nunatsinni annerpaamik demokratiskiusumik aallaaveqarusuttuusugut suliassaraarput tusagassiorfinnik killilersuinnginnissaq.

USA ukiuni kingullerni demokratiip aqqani ajornartorsiungaatsiarsimappud ileqquliunneqariartuaalersimammatt tusagassiorfiit tatiginarunnaarsarneqartuernerat. Ajorluartumillu nunatsinni aamma taanna tusarsaagaluttuinnariartorpoq, pissaanermik tigungmiaqaannarnissaq siunertarlugu, partiimillu illersuinerujussuup aqqani.

Ajorluartumimmi partiinik illersuenerujussuuarneq allaat arsaattunik illersuineruttuutaq ilaatigut aallunneqartarmat, suna tamaat akigalugu allaat tusagassiorfiit tatiginanngitsuunerarlugit uteqattaarisooqartalersimavoq, ila tusagassiorfiit suliassartik pingaarnepaaq atorlugu, uparuaasussaaitaanertik, tusagassiusassaaitaanertillu aali atuinnaraluaat. Taamatullu tatiginarunnaarsaanerit ilumut attanneqartuassappata ilumut demokratiip aqqani ajornartorsiuteqavissorsimassaagut.

Tusagassiorfinnullu inatsisit sakkortuallaarmata allaat tusagassiusinnaaffigigaluartik annaasarsimavaat. Taamaattumillu Demokraatit siunnersuutaat Atassummiit ilalerumavarput, tusagassiorfiit annerusumik killilersorneqaratik aningaasalerneqarsinnaanissaat periarfissikkumallugu.

Kalaallit Nunaata Radioanullu tunngatillugu imak neutraliunissaat, qalipaatersunngitsiginissaallu sakkortutigilersimavoq, allaat annerusumik tusagassiuinissaat, annerusumillu apeqqusiinnaassusaat allaat innarlerneqarsimalluni. Tamanna uggornaqaaq, demokrateeqarneranullu innarleeqataalluni. Sapinngisamik tusagassiorfiit kiffaanngissuseqartariaqarput. Nammineerlutimmi aamma tusagassiuinikkut ataqqinarluinnartunik malittarisassaarput, tutsuiginartutullu isigineqarusullutik.



Tamannalu pisinnaangilaq killilersuineq annertuallaarpat, inuiaqatigiillu partiminnik illersuingaarlutik tusagassiorfinnik tatiginarunnaarsaaniarpallaarunik.

Atassummiit ilanngullugu ataatsimiititaliamut innersuukkusupparput eqqartortillugulu, tusagassiorfiit qanoq annerusumik tusagassiisarnermikkut kiffaanngissuseqarnerat annertusarneqarsinnaanersoq. Ajoraluartumimmi Inatsisartut Naalakkersuisunut nakkutilliisinnaanerat, nakkutilliisussaataanerallu atorunnaarsimavoq, allaallu innuttaasut naammatsillutik akerliussutsimik takutitsiuaraluarlutik tusaaneqartarunnaarsimapput. Taamaammat aatsaat taamak pisariaqartigilerpoq tusagassiorfiit nukittorsarneqarnissaannut.